

BOSNA I HERCEGOVINA
FEDERACIJA BOSNE I HERCEGOVINE
PARLAMENT FEDERACIJE
DOM NARODA
Broj: 02-02-321/14
Sarajevo, 20.3.2014. godine

Z A P I S N I K
**22. SJEDNICE DOMA NARODA PARLAMENTA FEDERACIJE BOSNE I
HERCEGOVINE, održane 20.3.2014. godine**

Sjednica je počela u 11.20.

Sjednici je predsjedavao Tomislav Martinović, predsjedavajući Doma naroda Parlamenta Federacije BiH.

Predsjedavajući je pozdravio delegate, predstavnike Vlade Federacije i predstavnike akreditiranih medijskih kuća koji prate rad sjednice.

Izostanak sa sjednice opravdali su Edina Papo, Ivan Brigić i Josip Perić.

Na osnovu evidencije Stručne službe, predsjedavajući je konstatovao da sjednici prisustvuje 39 delegata, što čini većinu, te Dom naroda može raditi i punovažno odlučivati.

Predsjedavajući je podsjetio da je uveden wireless sistem putem kojeg se mogu pratiti sjednice Doma, te je obavijestio delegate da je Kolegij Doma naroda zaključio da se medijskim kućama daju tri minute da snime kadrove sa sjednice Doma naroda a nastavak sjednice prate sa galerije na vrhu dvorane.

Nakon toga, predsjedavajući je stavio na glasanje Zapisnik 20. vanredne sjednice Doma naroda i konstatovao da je Dom naroda, bez primjedbi (34 glasa za i dva uzdržana glasa), usvojio Zapisnik 20. vanredne sjednice Doma naroda, održane 6.2.2014. godine.

Predsjedavajući je stavio na glasanje Zapisnik 21. sjednice Doma naroda i konstatovao da je Dom naroda, bez primjedbi (32 glasa i dva uzdržana glasa), usvojio Zapisnik 21. sjednice Doma naroda, održane 27.2.2014. godine.

Predsjedavajući je podsjetio delegate da na osnovu člana 104. Poslovnika o radu Doma naroda mogu postavljati delegatska pitanja i pokretati inicijative, te izraziti nezadovoljstvo dobijenim odgovorom.

Delegatska pitanja i inicijative

Senahid Šaković je izrazio nezadovoljstvo dobijenim odgovorom na pitanje u vezi sa obračunom osnovice doprinosa za penzijsko i invalidsko

osiguranje i zatražio dodatni odgovor i poduzimanje mjera i aktivnosti za prevazilaženje nastale situacije.

Ivo Divković je izrazio nezadovoljstvo odgovorom na pitanje koje se odnosi na prijenos prava upravljanja i raspolaganja nad napuštenim rudnikom Lipnica na općinu Tuzla. Izjavio je da u odgovoru piše da je rudnik prenio prava na Elektroprivredu BiH i da Federalno ministarstvo energije, rudarstva i industrije zbog toga ne može pribaviti informacije šta će se desiti sa prijenosom prava. Zatražio je da se pribavi ovaj odgovor od organa koji treba dati odgovor.

Zoran Jovanović je zahvalio Javnom preduzeću BH Telecom i Javnom preduzeću Elektroprivreda BiH na dostavljenim odgovorima i postavio pitanje kako se može vršiti zapošljavanje u Elektroprivredi BiH na način da se zapošljavaju kandidati neposredno ako je kandidat poznat. Također, izjavio je da je od velikog broja primljenih kandidata primljen veliki broj Bošnjaka, a jedan ili dva iz reda druga dva konstitutivna naroda i iz reda ostalih, te se time krši Ustav Federacije.

Almedin Aliefendić je izjavio nezadovoljstvo dobijenim odgovorom na pitanje u vezi sa poštivanjem Zakona o budžetima u Federaciji BiH i zatražio dopunu odgovora od Federalnog ministarstva finansija - koliki su planirani prihodi i primici Zeničko-dobojskog kantona i zatražio informaciju o planiranim prihodima i primicima svih kantona u Federaciji BiH. Također, ponovo je postavio pitanje Federalnom ministarstvu unutrašnjih poslova vezano uz implementaciju Zakona o matičnim knjigama.

Elvira Abdić-Jelenović je postavila dva pitanja.

Prvo pitanje je postavljeno Vladi Federacije i Federalnom ministarstvu finansija a odnosi se na to koliko je novca iz budžeta Federacije BiH dobila Demokratska narodna zajednica u mandatnom periodu 2006. - 2010. godina i sadašnjem mandat, te koje su radnje poduzeli Federalno ministarstvo finansija, Porezna uprava Federacije i Finansijska policija vezano uz prijavu koja im je dostavljena od legalnih i legitimnih predstavnika DNZ-a na postupanje.

Drugo pitanje je postavila Vladi Federacije. Pitanje se odnosi na imovinu koja se nalazi u Republici Hrvatskoj koja je pripadala *Agrokomercu* d.d. Velika Kladuša a koja je prepisana na djecu Fikreta Abdića. Zatražila je izvadak iz gruntovnice. Upitala je kakav je pravni status preduzeća *Agrokomerc* Beč i kako se može ostvariti uvid u poslovanje ovog preduzeća, te šta je sa preduzećem *Agrokomerc* Ljubljana i poslovnim prostorom koji se nalazi u centru Ljubljane, ko je direktor ovog preduzeća i kako se njegovo poslovanje knjiži u bilansima *Agrokomerca* d.d. Velika Kladuša.

Mustafa Kurtović je pokrenuo inicijativu da Federalno ministarstvo energije, rudarstva i industrije i predstavnici Elektroprivrede Bosne i Hercegovine u Goraždu održe prezentaciju projekta gradnje hidroelektrane Ustikolina i ubijede građane Goražda i Ustikoline da je njena izgradnja neophodna.

Drago Puzigaća je pokrenuo inicijativu i postavio pitanje.

Pokrenuo je inicijativu za izmjenu Zakona o izboru, prestanku mandata, opozivu i zamjeni načelnika općina u Federaciji BiH u smislu izjednačavanja procedure za izbor i opoziv načelnika općina.

Postavio je pitanje koji su kriteriji da bi neko mogao postati ekspert u određenoj oblasti i zatražio pisani odgovor.

Tomislav Mandić se osvrnuo na stanje u Federalnom ministarstvu boraca i invalida odbrambeno-oslobodilačkog rata.

Esed Radeljaš je zatražio da se put Grebak - Goražde proglasi magistralnim i zatražio od Federalnog ministarstva prometa i komunikacija da dovrši 13 km asfaltnog puta koji bi skratio za najmanje 30 km relaciju Miljevina - Foča do Goražda.

Sretko Radišić je postavio pitanje Agenciji za privatizaciju Federacije BiH kakvo je stanje u oblasti privatizacije od uspostave Agencije do danas. Zatražio je održavanje tematske sjednice o procesu privatizacije.

Zoran Jovanović je postavio dva pitanja.

Prvo pitanje je postavio Federalnom ministarstvu finansija da dostave instrukcije kantonalnim uredima Porezne uprave kako provesti Zakon o izmjenama i dopunama Zakona o visini stope zatezne kamate na neplaćene doprinose.

Drugo pitanje je postavio Agenciji za bankarstvo Federacije BiH u vezi sa donošenjem podzakonskih akata za provedbu Zakona o zaštiti žiranta u Federaciji BiH.

Aner Žuljević je pokrenuo inicijativu za izmjenu člana 8. stav 3. Zakona o plaćama i drugim naknadama sudija i tužilaca u Federaciji BiH kako bi se izvršilo usklađivanje sa članom 14. Zakona o plaćama i drugim naknadama u Federaciji BiH.

Mira Jurić je postavila pitanje kada će u parlamentarnu proceduru biti dostavljen prijedlog Zakona o liječenju neplodnosti biomedicinski potpomognutom oplodnjom.

Enes Salkanović je postavio dva pitanja.

Zatražio je od Razvojne banke Federacije BiH dostavu spiska o korisnicima kredita i iznosima ovih kredita od 2006. godine do 2013. godine.

Pozvao je Direkciju za ceste Federacije BiH da pod hitno sanira trotoare uz magistralnu cestu M17 koja prolazi kroz užu gradsku jezgru Odžaka koji su u katastrofalnom stanju.

Adnan Jupić je postavio dva pitanja.

Prvo pitanje je upućeno Federalnom ministarstvu prometa i komunikacija u vezi sa inicijativom za izdvajanje direkcija regionalnih cesta iz resornih ministarstava i uplate sredstava na direktne račune. Upitao je koliko je kantona ispoštovalo ovu inicijativu i koji su efekti ove inicijative.

Drugo pitanje je uputio Vladi Federacije u vezi sa sadašnjom situacijom u kojoj se nalazi *IP Krivaja Zavidovići* s obzirom na to da je postojala paralelna upravljačka struktura i koji su rezultati ovakvog načina upravljanja.

Vesna Nemeć-Klisura pitanje je uputila Direkciji za ceste Federacije BiH da li se planira u ovoj godini nastavak radova na izgradnji zaobilaznice na magistralnom putu Sarajevo - Gorađe - Foća (Ustikolina).

Damir Ćardžić je postavio pitanje i pokrenuo inicijativu.

Pitanje je uputio Vladi Federacije - da li će uplatiti sredstava dobijena iz aranžmana MMF-a namijenjena Kantonu Sarajevo.

Pozvao je Dom naroda da izglasa inicijativu kojom bi pozvao federalne institucije koje se bave zaštitom zakonitosti rada na način da se otkrije i procesuiru državni kriminal u javnim preduzećima.

Nakon postavljanja delegatskih pitanja i pokretanja inicijativa prešlo se na utvrđivanje dnevnog reda.

Predsjedavajući je podsjetio delegate da je Vlada Federacije dostavila Prijedlog Zakona o izmjenama i dopunama Zakona o registraciji poslovnih subjekata u Federaciji BiH s prijedlogom da se razmatra po hitnom postupku. Predstavnički dom je prilikom utvrđivanja dnevnog reda odlučio da Prijedlog Zakona razmatra u redovnoj proceduri, tj u formi nacrtu Zakona, te je prijedlog Kolegija Doma naroda da i Dom naroda ovaj zakon razmatra u formi nacrtu. Predsjedavajući je stavio na glasanje ovaj prijedlog Kolegija i, na osnovu rezultata glasanja, konstatovao da je Dom naroda Parlamenta Federacije BiH, sa 32 glasa za i uz jedan glas protiv, prihvatio da se Prijedlog Zakona o izmjenama i dopunama Zakona o registraciji poslovnih subjekata u Federaciji BiH razmatra u formi nacrtu Zakona.

Vlada Federacije je dostavila Prijedlog zakona o izmjenama i dopunama Zakona o ministarskim, vladinim i drugim imenovanjima Federacije BiH s prijedlogom da se razmatra po skraćenom postupku. Predstavnički dom je prilikom utvrđivanja dnevnog reda odlučio da Prijedlog Zakona razmatra u redovnoj proceduri, tj u formi nacrtu Zakona, te je prijedlog Kolegija Doma naroda da i Dom naroda ovaj zakon razmatra u formi nacrtu.

Na osnovu rezultata glasanja, predsjedavajući Doma naroda je konstatovao da je Dom naroda Parlamenta Federacije BiH, jednoglasno (42 glasa za), prihvatio prijedlog Kolegija Doma naroda da se Prijedlog zakona o izmjenama i dopunama Zakona o ministarskim, vladinim i drugim imenovanjima Federacije BiH razmatra u formi nacrtu Zakona.

Kolegij Doma naroda je predložio da se u dnevni red kao 3. tačka uvrsti Prijedlog Odluke o izmjeni Odluke o izboru predsjednika, zamjenika predsjednika i članova Administrativne komisije Doma naroda Parlamenta Federacije BiH, što je Dom naroda jednoglasno (43 glasa za) prihvatio.

Nakon toga Klub delegata bošnjačkog naroda je zatražio pauzu 10 minuta. Nakon pauze, predsjednik Kluba delegata bošnjačkog naroda Amir Zukić je predložio da se Prijedlog Zakona o izmjenama i dopunama Zakona o lovstvu skine sa dnevnog reda ove sjednice te da se Prijedlog Zakona razmatra na narednoj sjednici do kada bi se omogućilo Federalnom ministarstvu poljoprivrede, vodoprivrede i šumarstva i svim zainteresiranim stranama da se uključe i djeluju kroz amandmanski proces. Također,

napomenuo je da je Klub delegata bošnjačkog naroda odredio Radnu grupu koja će aktivno raditi da se ta materija kvalitetno obradi.

Predsjedavajući je stavio na glasanje ovaj prijedlog Kluba delegata bošnjačkog naroda i, na osnovu rezultata glasanja, konstatovao da je Dom naroda Parlamenta Federacije BiH, sa 32 glasa za, uz osam glasova protiv i uz tri uzdržana glasa, prihvatio da se Prijedlog Zakona o izmjenama i dopunama Zakona o lovstvu skine sa dnevnog reda 22. sjednice Doma naroda i da se uvrsti na zasjedanje naredne sjednice Doma naroda do kada Vlada Federacije BiH i Ministarstvo poljoprivrede, vodoprivrede i šumarstva Federacije trebaju izvršiti konsultacije sa predstavnicima lovačkih udruženja koja djeluju na teritoriji Federacije BiH.

Nakon toga predsjedavajući je stavio na glasanje predloženi dnevni red.

Na osnovu rezultata glasanja, predsjedavajući je konstatovao da je Dom naroda Parlamenta Federacije BiH, sa 41 glasom za, uz jedan glas protiv i uz dva uzdržana glasa, usvojio sljedeći:

D N E V N I R E D

1. Verifikacija mandata delegatu u Domu naroda Parlamenta Federacije BiH,
2. a) Prijedlog Odluke o potvrđivanju Odluke predsjednika Federacije BiH o imenovanju Mirjane Čučković za sudiju Ustavnog suda Federacije BiH iz reda srpskog naroda,
b) Prijedlog Odluke o potvrđivanju Odluke predsjednika Federacije BiH o imenovanju Vesne Budimir za sudiju Ustavnog suda Federacije BiH iz reda hrvatskog naroda,
3. Prijedlog Odluke o izmjeni Odluke o izboru predsjednika, zamjenika predsjednika i članova Administrativne komisije Doma naroda Parlamenta Federacije BiH,
4. Prijedlog Zakona o finansijskoj konsolidaciji privrednih društava u Federaciji BiH,
5. Prijedlog Zakona o izmjenama i dopunama Zakona o sjemenu i sadnom materijalu poljoprivrednog bilja,
6. Prijedlog Zakona o izmjenama Zakona o utvrđivanju i načinu izmirenja unutrašnjih obaveza Federacije BiH,
7. Prijedlog Zakona o zaštiti korisnika finansijskih usluga,
8. Nacrt Zakona o izmjenama i dopunama Zakona o registraciji poslovnih subjekata u Federaciji BiH,
9. Nacrt Zakona o izmjenama i dopunama Zakona o ministarskim, vladinim i drugim imenovanjima Federacije BiH,
10. Nacrt Zakona o izmjenama i dopunama Zakona o unutrašnjoj trgovini,
11. Nacrt Zakona o izmjenama i dopunama Zakona o finansijskoj konsolidaciji Javnog preduzeća Željeznice Federacije BiH d.o.o. Sarajevo za period od 1.1.2008. do 31.12.2012. godine.

1. Verifikacija mandata delegatu u Domu naroda Parlamenta Federacije BiH

Centralna izborna komisija Bosne i Hercegovine obavijestila je Dom naroda Parlamenta Federacije BiH da je prestao mandat Jasminu Smailbegoviću zbog smrti i da je dodijeljen mandat sljedećem kvalifikovanom kandidatu iz reda bošnjačkog naroda iz Zeničko-dobojskog kantona Senaidu Begiću.

Mandatno-imunitetska komisija Doma naroda razmatrala je Izvještaj Centralne izborne komisije i dostavila Izvještaj koji je obrazložio predsjednik Mandatno-imunitetske komisije Đuro Prkačin. Mandatno-imunitetska komisija je predložila Domu naroda da verifikuje mandat delegatu Senaidu Begiću.

U raspravi nije niko učestvovao.

Na osnovu rezultata glasanja, predsjedavajući Doma naroda je konstatovao da je Dom naroda Parlamenta Federacije BiH, jednoglasno (48 glasova za), verifikovao mandat delegatu u Domu naroda Parlamenta Federacije BiH Senaidu Begiću iz reda bošnjačkog naroda iz Zeničko-dobojskog kantona.

- 2. a) Prijedlog Odluke o potvrđivanju Odluke predsjednika Federacije BiH o imenovanju Mirjane Čučković za sudiju Ustavnog suda Federacije BiH iz reda srpskog naroda**
- b) Prijedlog Odluke o potvrđivanju Odluke predsjednika Federacije BiH o imenovanju Vesne Budimir za sudiju Ustavnog suda Federacije BiH iz reda hrvatskog naroda**

Predsjednik Federacije, uz saglasnost potpredsjednika Federacije, donio je Odluku o imenovanju Mirjane Čučković iz reda srpskog naroda i Vesne Budimir iz reda hrvatskog naroda za sudije Ustavnog suda Federacije BiH i dostavio je Domu naroda radi potvrđivanja.

Komisija za izbor i imenovanje Doma naroda razmatrala je Odluku i dostavila Domu naroda Prijedlog Odluke o potvrđivanju Odluke predsjednika Federacije BiH o imenovanju Mirjane Čučković za sudiju Ustavnog suda Federacije BiH iz reda srpskog naroda i Prijedlog Odluke o potvrđivanju Odluke predsjednika Federacije BiH o imenovanju Vesne Budimir za sudiju Ustavnog suda Federacije BiH iz reda hrvatskog naroda.

Predsjednik Federacije Živko Budimir obrazložio je Odluku o imenovanju Mirjane Čučković iz reda srpskog naroda i Vesne Budimir iz reda hrvatskog naroda za sudije Ustavnog suda Federacije BiH.

Izvještaj Komisije za izbor i imenovanja obrazložio je Stipo Pelivan, zamjenik predsjednika Komisije.

U raspravi su učestvovali: Amir Zukić, predsjednik Kluba delegata bošnjačkog naroda, Mira Ljubijankić, predsjednica Kluba delegata srpskog naroda, Ivo Tadić i Zoran Jovanović.

Nakon rasprave, predsjedavajući je stavio na glasanje prijedloge odluka.

Na osnovu rezultata glasanja, predsjedavajući je konstatovao da je Dom naroda Parlamenta Federacije BiH, sa 33 glasa za, uz pet glasova protiv i uz deset uzdržanih glasova, donio Odluku o potvrđivanju Odluke o imenovanju Mirjane Čučković za sudiju Ustavnog suda Federacije BiH iz reda srpskog naroda.

Na osnovu rezultata glasanja, predsjedavajući je konstatovao da je Dom naroda Parlamenta Federacije BiH, sa 25 glasova za, uz 18 glasova protiv i uz četiri uzdržana glasa, donio Odluku o potvrđivanju Odluke o imenovanju Vesne Budimir za sudiju Ustavnog suda Federacije BiH iz reda hrvatskog naroda.

3. Prijedlog Odluke o izmjeni Odluke o izboru predsjednika, zamjenika predsjednika i članova Administrativne komisije Doma naroda Parlamenta Federacije BiH

Zamjenik predsjednika Komisije za izbor i imenovanje Doma naroda Stipo Pelivan je, u ime Komisije, predložio Domu naroda da donese odluku kojom se za zamjenika predsjednika Administrativne komisije u Domu naroda imenuje Amel Hadžiabdić.

U raspravi nije niko učestvovao.

Na osnovu rezultata glasanja, predsjedavajući je konstatovao da je Dom naroda Parlamenta Federacije BiH, sa 32 glasa za, uz jedan glas protiv i uz dva uzdržana glasa, donio Odluku o izmjeni Odluke o izboru predsjednika, zamjenika predsjednika i članova Administrativne komisije Doma naroda Parlamenta Federacije BiH kojom je u Administrativnu komisiju za zamjenika predsjednika umjesto Jasmina Smailbegovića izabran Amel Hadžiabdić.

4. Prijedlog Zakona o finansijskoj konsolidaciji privrednih društava u Federaciji BiH

Prijedlog Zakona utvrdila je Vlada Federacije.

Predstavnički dom je na nastavku 26. sjednice, održane 29.1.2014. godine, usvojio Prijedlog Zakona sa jednim amandmanom Vlade Federacije i pet amandmana koje je Vlada Federacije prihvatila pa su postali sastavni dio Prijedloga Zakona. Amandman Vlade Federacije se odnosi na član 19. a amandmani koje je Vlada Federacije prihvatila odnose se na čl. 9., 10. i 12. Prijedloga Zakona.

Na Prijedlog Zakona o finansijskoj konsolidaciji privrednih društava u Federaciji BiH amandmane su podnijeli: Ivo Divković, Klub delegata hrvatskog naroda, Aner Žuljević i Elvira Abdić-Jelenović.

Ivo Divković podnio je pet amandmana na čl. 1., 4., 13., 14. i 18.

Klub delegata hrvatskog naroda podnio je osam amandmana na čl. 2., 8., 9., 10. i 12.

Aner Žuljević podnio je jedan amandman na član 5.

Elvira Abdić-Jelenović podnijela je dva amandmana na čl. 5. i 18.

Vlada Federacije je dostavila izjašnjenje kojim je prihvatila amandmane I., II., III. i IV. Ivo Divkovića dok amandman V. nije prihvatila.

Vlada Federacije je dostavila izjašnjenje kojim je prihvatila amandmane IV., VI., VII. i VIII. Kluba delegata hrvatskog naroda dok je amandman V. prihvatila na sjednici Predstavničkog doma. Vlada Federacije nije prihvatila amandman V. Kluba delegata hrvatskog naroda.

Također, Vlada Federacije je dostavila izjašnjenje kojim ne prihvata amandmane Anera Žuljevića i Elvire Abdić-Jelenović.

Prijedlog Zakona o finansijskoj konsolidaciji privrednih društava u Federaciji BiH obrazložio je Erdal Trhulj, federalni ministar energije, rudarstva i industrije.

U raspravi su učestvovali: Stipo Pelivan, Ivo Divković, Elvira Abdić-Jelenović, Hajrudin Bećirović i Damir Čardžić.

Aner Žuljević je izjavio da odustaje od svog amandmana.

Potom je predsjedavajući stavio na glasanje amandmane Elvire Abdić-Jelenović.

Na osnovu rezultata glasanja, predsjedavajući je konstatovao da Dom naroda Parlamenta Federacije BiH nije usvojio Amandman I. Elvire Abdić-Jelenović jer je za glasalo 14 delegata, 21 delegat je bio protiv a osam delegata je bilo uzdržano.

Na osnovu rezultata glasanja, predsjedavajući je konstatovao da Dom naroda Parlamenta Federacije BiH nije usvojio Amandman II. Elvire Abdić-Jelenović jer je za glasalo 13 delegata, 20 delegata je bilo protiv a pet delegata je bilo uzdržano.

Ivo Divković je izjavio da odustaje od amandmana koji Vlada Federacije nije prihvatila.

Budući da je Klub delegata hrvatskog naroda ostao pri svojim amandmanima koje Vlada Federacije nije prihvatila, predsjedavajući ih je stavio na glasanje.

Na osnovu rezultata glasanja, predsjedavajući je konstatovao da Dom naroda Parlamenta Federacije BiH nije usvojio Amandman I. Kluba delegata hrvatskog naroda jer je za glasalo 14 delegata, šest delegata je bilo protiv a 19 delegata je bilo uzdržano.

Na osnovu rezultata glasanja, predsjedavajući je konstatovao da Dom naroda Parlamenta Federacije BiH nije usvojio Amandman II. Kluba delegata hrvatskog naroda jer je za glasalo 13 delegata, šest delegata je bilo protiv a 20 delegata je bilo uzdržano.

Na osnovu rezultata glasanja, predsjedavajući je konstatovao da Dom naroda Parlamenta Federacije BiH nije usvojio Amandman III. Kluba delegata hrvatskog naroda jer je za glasalo 14 delegata, tri delegata su bila protiv a 22 delegata su bila uzdržana.

Potom je predsjedavajući stavio na glasanje Prijedlog Zakona o finansijskoj konsolidaciji privrednih društava u Federaciji BiH i, na osnovu rezultata glasanja, konstatovao da je Dom naroda Parlamenta Federacije BiH, sa 34 glasa za, uz osam glasova protiv i uz dva uzdržana glasa, usvojio Prijedlog Zakona o finansijskoj konsolidaciji privrednih društava u Federaciji BiH. Zakon je usvojen sa jednim amandmanom Vlade Federacije i pet amandmana koje je Vlada Federacije prihvatila na sjednici Predstavničkog doma koji su postali sastavni dio Prijedloga Zakona.

Amandmani glase:

Amandman Vlade Federacije:

U članu 19. Prijedloga Zakona o finansijskom konsolidovanju privrednih društava u Federaciji BiH riječi: „i primjenjuje se tri godine i šest mjeseci od dana stupanja na snagu“ se brišu tako da član 19. sada glasi:

„Član 19.

Ovaj zakon stupa na snagu osmog dana od dana objavljivanja u „Službenim novinama Federacije BiH“.

Amandmani koje je Vlada Federacije prihvatila na sjednici Predstavničkog doma:

Amandman I.

U članu 9. iza riječi: „postupak finansijskog konsolidovanja“ dodati riječi: „uz saglasnost Porezne uprave“.

Amandman II.

U članu 9. u stavu 3. brisati tačku dodati zarez i tekst: „koji je odgovoran za posljedice svih transakcija na novootvorenom računu“.

Amandman III.

U članu 10. u stavu 1. riječi: „četiri godine“ brisati i dodati riječi: „tri godine“.

Amandman IV.

U članu 10. u stavu 2. riječi: „četiri godine“ brisati i dodati riječi: „tri godine“.

Amandman V.

U članu 12. dodati u posljednjoj rečenici riječi: „samo ako je vrijednost tog preduzeća veća od njegova duga“.

Vlada Federacije je prihvatila amandmane delegata Ive Divkovića koji glase:

Amandman I.

U članu 1. u stavu 2. ispred riječi: „dužna je podnijeti odgovorna osoba u privrednom društvu“ dodati tekst: „nakon što nadležni organ privrednog društva donese odluku o pokretanju postupka finansijskog konsolidovanja privrednog društva“.

Amandman II.

U članu 4. u stavu 2. iza riječi: “a kamate mogu biti otpisane” dodati tekst: “Odluku o otpisu kamata donosi nadležni organ privrednog društva kojem se duguje.”

Amandman III.

U članu 13. u posljednjem redu iza riječi: “pribavi prethodnu” dodati riječ: “pisanu”.

Amandman IV.

U članu 14. u stavu 2. iza riječi: “a kamate mogu biti otpisane” dodati tekst: “Odluku o otpisu kamata donosi nadležni organ privrednog društva kojem se duguje.”

Budući da je Prijedlog Zakona o finansijskoj konsolidaciji privrednih društava u Federaciji BiH usvojen u različitom tekstu u oba doma Parlamenta Federacije BiH, **potrebno** ga je **usaglasiti**.

5. Prijedlog Zakona o izmjenama i dopunama Zakona o sjemenu i sadnom materijalu poljoprivrednog bilja

Prijedlog Zakona utvrdila je Vlada Federacije.

Predstavnički dom je na nastavku 23. sjednice, održane 30.10.2013. godine, usvojio Prijedlog Zakona o izmjenama i dopunama Zakona o sjemenu i sadnom materijalu poljoprivrednog bilja u tekstu kako ga je predložila Vlada Federacije.

Prijedlog Zakona obrazložio je Mario Beus, predstavnik Federalnog ministarstva poljoprivrede, vodoprivrede i šumarstva.

Izveštaj Odbora za poljoprivredu, vodoprivredu i šumarstvo Doma naroda obrazložio je Mustafa Kurtović, predsjednik Odbora.

U raspravi nije niko učestvovao.

Na osnovu rezultata glasanja, predsjedavajući je konstatovao da je Dom naroda Parlamenta Federacije BiH, sa 31 glasom za i uz osam glasova protiv, usvojio Prijedlog Zakona o izmjenama i dopunama Zakona o sjemenu i sadnom materijalu poljoprivrednog bilja.

6. Prijedlog Zakona o izmjenama Zakona o utvrđivanju i načinu izmirenja unutrašnjih obaveza Federacije BiH

Prijedlog Zakona utvrdila je Vlada Federacije.

Predstavnički dom je na nastavku 26. sjednice, održane 29.1.2014. godine, usvojio Prijedlog Zakona o izmjenama Zakona o utvrđivanju i načinu izmirenja unutrašnjih obaveza Federacije BiH u tekstu kako ga je predložila Vlada Federacije.

Prijedlog Zakona obrazložio je Ante Krajina, federalni ministar finansija.

U raspravi su učestvovali Elvira Abdić-Jelenović i Ante Krajina.

Na osnovu rezultata glasanja, predsjedavajući je konstatovao da je Dom naroda Parlamenta Federacije BiH, sa 31 glasom za, uz osam glasova protiv i uz dva uzdržana glasa, usvojio Prijedlog Zakona o izmjenama Zakona o utvrđivanju i načinu izmirenja unutrašnjih obaveza Federacije BiH.

7. Prijedlog Zakona o zaštiti korisnika finansijskih usluga

Prijedlog Zakona utvrdila je Vlada Federacije.

Predstavnički dom je na nastavku 26. sjednice, održane 29.1.2014. godine, usvojio Prijedlog Zakona u tekstu kako ga je predložila Vlada Federacije BiH.

Prijedlog Zakona razmatrala su nadležna radna tijela i dostavila izvještaje.

Prijedlog Zakona o zaštiti korisnika finansijskih usluga obrazložio je Ante Krajina, federalni ministar finansija.

U raspravi nije niko učestvovao.

Zatim se glasalo o Prijedlogu Zakona o zaštiti korisnika finansijskih usluga.

Sa 32 glasa za i uz šest glasova protiv, Dom naroda Parlamenta Federacije BiH usvojio je Prijedlog Zakona o zaštiti korisnika finansijskih usluga.

8. Nacrt Zakona o izmjenama i dopunama Zakona o registraciji poslovnih subjekata u Federaciji BiH

Nacrt Zakona utvrdila je Vlada Federacije.

Predstavnički dom je na nastavku 26. sjednice, održane 29.1.2014. godine, razmatrao Nacrt Zakona i Zaključkom ga prihvatio.

Zakon su u formi prijedloga razmatrala nadležna radna tijela i dostavila izvještaje.

Zakon je obrazložio Zoran Mikulić, federalni ministar pravde.

U raspravi nije niko učestvovao.

Na osnovu rezultata glasanja, predsjedavajući je konstatovao da Dom naroda Parlamenta Federacije BiH nije prihvatio Nacrt Zakona o

izmjenama i dopunama Zakona o registraciji poslovnih subjekata u Federaciji BiH jer je 28 delegata glasalo za, jedan delegat je bio uzdržan a osam delegata je bilo protiv.

Budući da je izražena sumnja u rezultate glasanja, sekretar Doma naroda Izmir Hadživdić obavio je poimenično glasanje.

Na osnovu rezultata pomeničnog glasanja, predsjedavajući je konstatovao da je Dom naroda Parlamenta Federacije BiH, sa 30 glasa za, uz četiri uzdržana glasa i uz tri glasa protiv, usvojio sljedeći:

ZAKLJUČAK

1. Dom naroda Parlamenta Federacije BiH prihvata Nacrt Zakona o izmjenama i dopunama Zakona o registraciji poslovnih subjekata u Federaciji BiH i smatra da može poslužiti kao osnov za izradu prijedloga Zakona.
2. Zadužuje se Vlada Federacije da prilikom izrade prijedloga Zakona ima u vidu primjedbe, prijedloge i sugestije iznesene na sjednici.

9. Nacrt Zakona o izmjenama i dopunama Zakona o ministarskim, vladinim i drugim imenovanjima Federacije BiH

Nacrt Zakona utvrdila je Vlada Federacije.

Predstavnički dom je na nastavku 26. sjednice, održane 26.2.2014. godine, razmatrao Nacrt Zakona o izmjenama i dopunama Zakona o ministarskim, vladinim i drugim imenovanjima Federacije BiH i zaključkom ga prihvatio.

Nacrt Zakona razmatrala su nadležna radna tijela i dostavila izvještaje.

Nacrt Zakona obrazložio je Zoran Mikulić, federalni ministar pravde.

U raspravi je učestvovao Sretko Radišić.

Na osnovu rezultata glasanja, predsjedavajući je konstatovao da Dom naroda Parlamenta Federacije BiH nije prihvatio Nacrt Zakona o izmjenama i dopunama Zakona o ministarskim, vladinim i drugim imenovanjima Federacije BiH jer je 26 delegata glasalo za, četiri delegata su bila uzdržana a osam delegata je bilo protiv.

Budući da je izražena sumnja u rezultate glasanja, sekretar Doma naroda Izmir Hadživdić obavio je poimenično glasanje.

Na osnovu rezultata pomeničnog glasanja, predsjedavajući je konstatovao da Dom naroda Parlamenta Federacije BiH nije prihvatio Nacrt Zakona o izmjenama i dopunama Zakona o ministarskim, vladinim i drugim imenovanjima Federacije BiH jer je 28 delegata glasalo za, tri delegata su bila uzdržana a osam delegata je bilo protiv.

10. Nacrt Zakona o izmjenama i dopunama Zakona o unutrašnjoj trgovini

Nacrt Zakona utvrdila je Vlada Federacije.

Predstavnički dom je na 26. sjednici, održanoj 26.2.2014. godine, razmatrao Nacrt Zakona o izmjenama i dopunama Zakona o unutrašnjoj trgovini i zaključkom ga prihvatio.

Nacrt Zakona razmatrala su nadležna radna tijela i dostavila izvještaje.

Nacrt Zakona obrazložila je Đula Đukić, pomoćnica federalnog ministra trgovine.

U raspravi su učestvovali Elvira Abdić-Jelenović i Đula Đukić.

Na osnovu rezultata glasanja, predsjedavajući je konstatovao da Dom naroda Parlamenta Federacije BiH nije prihvatio Nacrt Zakona o izmjenama i dopunama Zakona o unutrašnjoj trgovini jer je 27 delegata glasalo za, tri delegata su bila uzdržana a sedam delegata je bilo protiv.

S obzirom na to da je izražena sumnja u rezultate glasanja, sekretar Doma naroda Izmir Hadžiavić obavio je poimenično izjašnjenje.

Na osnovu rezultata pomeničnog glasanja, predsjedavajući je konstatovao da Dom naroda Parlamenta Federacije BiH nije prihvatio Nacrt Zakona o izmjenama i dopunama Zakona o unutrašnjoj trgovini jer je 29 delegata glasalo za, osam delegata je bilo uzdržano a dva delegata su bila protiv.

Nakon toga predsjedavajući je obavijestio delegate da je Kolegij odlučio da će se Nacrt Zakona o izmjenama i dopunama Zakona o finansijskoj konsolidaciji Javnog preduzeća Željeznice Federacije BiH d.o.o. Sarajevo za period od 1.1.2008. do 31.12.2012. godine razmatrati na narednoj sjednici, a da će se sjednica na kojoj bi se razmatralo stanje o boračkoj populaciji razmatrati 3.4.2014. godine.

Sjednica je završena u 16.33.

Transkript sjednice čini sastavni dio Zapisnika.

SEKRETAR

Izmir Hadžiavić

PREDSJEDAVAJUĆI

Tomislav Martinović